

Tutu e táxnūu San Pablu iña ñá ñuú Colosa

Taxnūu Pablu tutú iña ñá ntoo ñuú Colosa

¹ Xu'u é Pablú u ne, pustru iña Jesúcrístú u, tsí kuan ō ntío Xuva kō. Ntuví nti ení ko Timoteú ne,

² taxnūu ntí tutú sá'á iña ña ntákuinti'xe i Xuva ko nī Cristu, ñá ntoo ñuú Colosa. Na naxnuu viko Xuva ko ntō. Na tā'xi ña é kuntōo vá'a nto.

Kaka'an ntâ'ví Pablu iña ña ntákuinti'xe i san

³ Utén uten da ntáka'an ntâ'ví nti ne, ntánakué'e ntí sintiá'vi kuenta iña nto nta'a Xuva ko, Uvā Tó'o ko Jesúcrístu.

⁴ Tékú nti tsi dóo ntákuinti'xe nto Jesucristu, tsi dóo ntákuinima nto un ntí ntí ña'a, ña ntáduku ntée Xuva kō.

⁵ Ini nto tsi ntántétu nto é nī'i nto é ñū'u vá'a iña nto e dukún kán. É kūtuni nto iña i sá'a da téku nto tú'ūn va'á san, tú'ūn é nuu é ntaā i nté koo nakáku o.

⁶ Tū'ún san e téku nto ne, ñá te da dīi ña'a ntákuinti'xe ña da mí'i ká ñuxiví san, vatā o dé nto da téku nto tú'ūn e dóo kakuinima Xúva ko kō né, kūtuni nto tsí ñi tū'un é nuu é ntaā i.

⁷ Sá'á é kūtú've nto dá ká'an Éprafa, ña e dóo ntio ko, ña e dé tsiñu nī'i nti. Ini nto tsí ña kaxtuví mii ña é nakuā'a ña nto iñá Cristu.

⁸ Ñi ña é kantaa ña nī nti tsi dóo ntákuinima ntó ta'an nto vata ō tá'xi Espiritū san é vīi o.

⁹ Dukuān ne, váta tee dā'na nti e ntáka'an ntâ'ví nti kuenta iña nto nte ntúvi da téku nti. Ntaikán nti te ta'xi Xuva kō é kūtuni nto nee iña e ntío ña é vīi ntó, te tā'xi ña é kūtú've vá'a nto iña ña.

10 Ntaíkán nt̄i te viī ntó vatā ó kantio é viī ña ntákuinti'xe i Tó'o kō sán, te ūtén uten vií nto vatā ó ntio ña. Kidáā ne, kadiá'vi nuu i é vā'a e ntáde nto ne, dií dií ka vā'a kiní nto Xuva kō.

11 E dóo iō Xuva kō é viī ña é un nt̄i'ī né, na natsu'un kā'xi ña nima ntó vata koo é na kūtíi nto é un nt̄i'ī ne, ña nat̄ivi iní nto.

12 E dóo ka'nu kuini ntó ne, nakué'e nto sintiá'vi nta'a Xuva kō, tsí ntavá'a ña kō vata koo é kūvi ni'í ko iña ña e dukún kán dad̄i ni un nt̄i'ī nt̄i'ī ña ntáduku ntée ña.

13 Tsi é nakáku Xuva ko kō dá ika ō mí'ī dóo neé ne, ta'xī ña é kuntoo dad̄i o ni I'xā ña, ña e dóo ntio ña.

14 Tsi nakáku ña kō dá xi'i ñá kuenta iña kó ne, dē ka'nu iní ña ni kō kuetsí kō.

Kuntōo vā'a o ni Xuva kō, tsí xi'í Cristu kuénta iña ko

15 Ña kúvi kīnī o Xuva kō. Dukuān né, taxnūu ña I'xá ña vata koo é kīni o nté kaa ña. Di'na ña tuví ña e é un nt̄i'ī é iō.

16 Kuenta iñá Cristú ne, dē kú've Xuva kō é un nt̄i'ī, da nēé ka é iō e dukún kán, da nēé ka é iō ñuxiví sa, é un nt̄i'ī é kuvi kini o nī é un nt̄i'ī é ña kuvi kiní ō. Dē kú've ñá un nt̄i'ī nt̄i'ī espíritū e ntáde kú've. É un nt̄i'ī de kú've ñá kuenta iña Cristú ne, ni iña ñá di.

17 Nté di'na tuví Cristu é un nt̄i'ī né, ðivi ñā kade ña kuenta é un nt̄i'ī.

18 Ña ntákuinti'xe i sán ne, vata kaa kúñu ña ntáa ña. Ðivi ñā ne, vata kaa ðiki í iña kúñu ña san kaa ña. Tsí dukuān tuví ña dá iñi ntu'ū ne, di'na ña ntóto ña dá xi'i ñá, vata koo é ðivi ña kodo nuū ña é un nt̄i'ī.

19 Ntio Xuva kō é koo dad̄i iña ñá ni I'xā ña.

20 Ntio Xuva kō é kũntoo vá'a é un ntí'í é de kú'vē ña kuenta iña Cristu é xi'i ñá ntiká krusi kan, é un ntí'i, kuān té ñuxiví sa tuví, kuān té e dukún kan tūvi.

21 Dí'nā ne, ñá ni inī ntó Xuva kō. Ña ni ntío kuē'en ntó ña, tsí da miī e dóo inchú'vi nto ña, tsi dóo kini o dé nto. Ntá tsi e náki'i Xuva ko nto

22 kuēnta iñá Cristu dá xe'é ña kúñu ñā é kuvī ñá ntiká krusi kan. Kuan ō dé ña vata koo é kūvi nto iña mii ña, xoo é ña tuví ka kuétsi ī, xoo é ña dentú ka nima i.

23 Kantio é kuntīkin va'á nto e ntákuinti'xe nto. Ñá ku natīvi iní nto. Ná ku xtuvī mii nto e ntákuinti'xe nto tú'ūn va'á san e téku nto. Tú'ūn sa'á ne, ntáka'an ntódo ña'a dá kaniñ nūxiví san. Xu'u é Pablú u ne, diví tsiñu kade ú ñi.

Ntáde tsiñu Pablu ni ña ntákuinti'xe i

24 Dōo diní ko tsí kanto'o kó kuenta iña nto, tsí du'vā ó kanto'o kó vatā o ntó'o Cristu kuénta iña ña ntákuinti'xe i.

25 E tá'xi Xuva kō é káka'an ntódo u, é ká'án u ni nto ūn ntí'í ntí'í tú'ūn iña ña.

26 Tā'xi ña é ká'án u ni ntō tú'un ñā é tuvi xu'u nte éma tsi, é ña ni tēkú ñata kō. Ntá tsi e tá'xi Xuva ko vē é kūtuni ña ntákuinti'xe i ña.

27 Ntio Xuva kō é kūtuni ñá'a, ña é ña te ña Israee, tsí ña te nté kaa va'á nuu i sá'a é tuvi xu'u. Sá'ā é tuvi xu'ú ne, kani tú'un tsí nuu Cristu nima nto. Dukuān ne, ntantétu nto nēe e dóo va'á iña nto nta'a Xuva kō.

28 Ntáka'an ntódo ntí iñá Cristu. Ntaxé'e ntí itsi, ntánakuā'a ntí un ntí'í ntí'í ña'a vata koo é kūtú'vē vá'a ña'a san iñá Cristu.

29 Dukuān ne, kade tsiñu ú, kaxió ntii ú vatā ó kata'xi Cristu é kūvi vií u.

2

¹ Ntio ko é kūtuni nto tsi dóo kaxio ntii ú kuenta iña nto, kuenta iña ña ntántoo ñuú Ladicea, kuénta iña ña'a, ña é vata kiní nuú ko di.

² Ntio kó te kīi nima ñá, te kudadii ña ni tā'an ña tsi ntákuinima ñá ña. Tsí ni'i ña é vā'a kídaa tē kutú've vá'a ña, te kīni vá'a ña nuu i é tuvi xu'u iña Xuva ko, iñá Cristu.

³ Tsí nta'a ña vé'xi é un nti'i nuū i é kutú've kō, é un nti'i nuū i é kūtuni ko.

⁴ Kaka'án u sá'a ni ntō vata koo é ña kuvi kaní ntā'ví ña'a san nto da dóo vá'ā ó kaka'an ñá, kuiní nto.

⁵ Kuān té xoxó nti'xe u, ntá tsi ikān tuví nimá ko ni ntō né, dóo diní ko da kútuní ko tsi dóo vá'ā ó de nto, tsi ntákuinti'xe nti'xe nto Cristu.

⁶ Dukuān né, vata ō kuínti'xe nto Tó'o ko Jesūcristú ne, kuan tsi koo kuntikín ka ntó ña.

⁷ Kuinti'xe kue'en ntó ña, kutú've vá'a nto nté kui kakuinti'xe nto ña, vata tsí o nakuá'a ú nto ne, nakué'e nto sintiá'vi nta'a Xuva ko ütén uten.

Ntuvi xee é nī'i ko nta'a Cristu

⁸ Koto nto tē ña ku ntíkin nto ña ntaéni nta'ví nto da ntáka'an ña nté ō ntádē kuení ña, da ntáka'an ñá dovéte. Tsí ña te ntántikin ñá Cristu, tsí da ntántikin ñá vata xkoó ini ñá'a. Ntántikin ña tú'un ña ñuxiví sa.

⁹ Tsí vata tsi kaa mii Xuva kō né, kuan tsí kaa Cristú di.

¹⁰ Divi ntō ne, ñá tē nté kaa nuu mé'ñu Xuva ko ntō tsi ntáduku ntée nto Cristu. Tsí divi ña kadē kú've ñá iña un ntií ntií ña'a, ña ntádē kú've.

¹¹ Vata tē te'nte kúñu ntō, ntá tsi ña te ña'a ni e'nté ña nto. Vata tē nima nto é tē'nte da nakuíta nto kuétsi ntō da nakáku Cristu nto.

¹² Dā ítsi ntute nto ne, vata tē intú'xi dadíi nto nī Cristú ne, ntoto xtuku nto ni ñā dī, tsi kuínti'xe nto tsí kuvi víi Xuva ko nantōto ña ña rkontuvi dá xi'i ña.

¹³ Di'na ne, vata tē xi'i ntó kuenta iña kuétsi ntō, kuenta iña i é ña ni e'nté nto kúñu ntō. Ntá tsi tá'xi Xuva ko ntūvi iña nto dadíi ni Cristu vé ne, dē ka'nu iní ña ni ntō kuetsí nto.

¹⁴ Nakādí Xuva ko kuenta ko mí ūve na'a tsí ña ni de ntáa ō leí san. Xnteē ñá kuentá san ntiká krusi kan.

¹⁵ Dā xi'í Cristu ntíkā krusí san ne, kūvi dé ña ni ūn ntíi ntíi ña'a, ña é ña vá'a o ntádē kú've. Náñē'e Xúva ko kō tsí ña vá'a ña tsikan da kúvi dé ña ni ña ntiká krusi kan.

Nantuku nto nūu i iña Xuva ko

¹⁶ Dukuān ne, ñá ku dā vá'a nto é kā'an ntée ña'a san nto tē neé ntaé'xi nto, o tē nee ntáxi'i nto, o tē nee ntáde nto, o tē ña ntáde nto viko san dá kanakuntéku xoó san ne, ō dá ntuvi é iō dá'na.

¹⁷ É un ntí'i nūu i sá'a ne, vata kaa kudii ntatí nuu i é kī'xi rkontuvi. Ntá tsi nuu i é nuu é ntāa ntí'xe i ne, Cristu.

¹⁸ Ñá ku dā vá'a nto é nākunaa ña kini ntáa san nto, ña e dōo koñu'u kuini i, ña e ntaínuu ini i ánjē san, ña e dōo ntántaa nuu i e kéní ña, ña ntáde na'nu kuenta iña i e ntádē kuení mii ñā.

¹⁹ Ná tē ntántikin ntí'xe ña Cristu, ña é odo nūu iña ña ntákuinti'xe i san. Tsí Cristú ne, kata'xi ña é un ntí'i é kantio ko, xo'ō é kuvi ō kúñu ña ne, kade ña é koo dadíi ō vata koo é kue'nu o vatā ó ntio Xuva kō.

²⁰ Ntō'ó ne, e xí'i nto nī Cristu kuénta iña i é iō ñuxiví sa. ¿Nté kuí ntákini nūu xtuku ntu nto nuu i tsíkan? ¿Nté kuí ntáde ntu nto vatā ó ntáka'an ñá'a ñuxiví sa? Tsi ntáka'an ña:

21 “Ñá ku t̄in nta'a sá'á t̄in nta'a tsikān nto, ñá ku e'xī nto, tsi dóo xií kaa té kuān koo vii o”. Kuan ō ntáka'an ña.

22 Un nt̄íí nt̄íí nuu i sá'á ne, kant̄i'i da ntáde tsiñu ni'i ō. Sá'á né, kūdii dá mii tū'ún ña'a san.

23 Nuú é ntaā i tsi dóo va'á, kuini ko, tsí vata tē ntánt̄ik̄in ña nchu'ún va'á, vata tē dóo ntaíko ñu'u ñā, vata te ña ntáde kuení ña kuenta iña mii ña. Ntá tsi ña kaidiá'vi kue'en tsi sá'á e ntuvá'a nima kíni ntáa kō.

3

1 Tsí nto'o é ntoto dad̄ií nto nī Cristú ne, nantuku nto nēe nuu i é káduku ntée e dukún kán mí tuví Cristu díñi kua'a Xuva kō.

2 Kadā kuení nto iña i é tuví e dukún kán; ñá ku dē kuení nto iña i é iō ñuxiví sa.

3 Tsi é xi'i ntó nī Cristú ne, é iō va'á ntuvi iña nto nta'a Xúva kō.

4 Tsí mii Cristu san kúvi ña ntūvi iña ko. Tē ntii díto ñá ne, dad̄ií tsi ntii díto ntó ni ñā é kaxi'í nuu ka'nu ña.

Ntuvi ata iña kó ni ntuvi xéé iña ko

5 Nakuítá kue'en nto da nēé ka e ñu'u dukuān nima nto é káduku ntée ñuxiví sa. Ñá ku k̄idi ni'i nto ñád̄i'í tē ñá tē ñád̄i'í mii nto. Ñá vii nto é k̄ini kaa. Ñá vii ntó nuu i é ña vá'a, nté nuu i é kadā kuení mii ntó é kaikan nima kíni kaa nto. Ñá ku k̄une'u iní nto ni tā'an nto, tsí vata te kanuu iní nto tuku xuva nto te kuān koo vii nto.

6 Ña é kuān ó ntáde sán ne, ní'i kuē'en ña é nto'o ña nta'a Xuva kō, tsí ña te ntákuinti'xe ña ña.

7 Kuān o dé nto ntuvi di'na di.

8 Ntá tsi vevíí ne, nté uun ito nté uun ntuvi ká ña kú de nto nuu i sá'á: é kūdiiin nto, é ña ntío kuē'en

ntó ta'an nto, é vii nto é kīni kaa, é kā'an kīni nto iña ta'an nto, é kā'an nto nuu i é ña vá'a.

⁹ Ñá ka'an ntó dovete ni tā'an nto, tsi é nakuíta nto nima kīni kaa nto ni un ntí'i nūu i é edé nto kídaā ne,

¹⁰ e ní'i nto nīma xeé nto ve. Xuva kō ne, utén uten kantavá'a ña nima ko da nté ntuvá'a vata kaa mii ñā, da nté kuīní va'a kó ña.

¹¹ Ñā té īnī tē ña Israeé o, o te tuku ña'a o. Ñā té īnī te tē'nte kúñu ko, o tē ña'a. Ñā té īnī tē ña tuku ñuú o, kuān té ña tú've ko, kuān te ntaíka o má tsiñu ne, kuān te ntaíka xaa o, tsí Cristu é kaīnuu á'vi ña iña ko un ntí'í ntí'í ó ne, nuu mé'ñu ña ko ūn ntí'í ntí'í o.

¹² Dōó ntio Xuva ko ntō né, nākaxnúu ña nto vata koo é ntūvi nto iña ña. Dukuān ne, vií nto vatā ó ntio ña: ntuntā'ví ini nto ta'an nto; vií nto é vā'á ni ñā; ñá vīi ka'nu nto; na kūtíi nima ntó ni ñā'a san; na kūtíi nto kuntētu nto nee é ntio nto.

¹³ Na kūtíi nto ni tā'an nto ne, kada ka'nu iní nto ni ña te ió nuu i. Vata o dé ka'nu iní Cristu ni ntó ne, kuan kōo kada ka'nu iní nto ni tā'an nto.

¹⁴ Díi ka vá'ā ó ne, kuinima ntó ta'an nto, tsí da ntákuinima kó ta'an ko ne, uun tsi ntúvi o ni ñā.

¹⁵ Xuva ko na tā'xi ña é kuntōo vá'a nto ne, nañē'e ñá nto nté koo vií nto, tsí ñi'vi tsiñu e kána ña nto é uun tsi ña'a kúvi nto. Nakué'e nto sintiá'vi nta'a Xuva kō.

¹⁶ Nguentúvi tsi na kunūu tú'ūn Cristú san nima nto. Nakuā'a nto ta'an nto ne, kué'e nto ña ītsi. Kata nto iña Xuva ko. Kata nto tsi dōo ka'nu ña. Kata nto nté o dé ña ni ntō.

¹⁷ Da nēé ka é vīi ntó, é kā'an ntó ne, kuān koo vií nto kuenta iña Cristú ne, nakué'e nto sintiá'vi nta'a Xuva ko kuēnta iña Tó'o kō.

Nté koo vií ña ntákuinti'xe i san

18 Ntō'ó ne, ñadĩ'i, kuinti'xe nto xi# nto, tsí kuān ó ntio Tó'o kō é víi ña ntákuinti'xe i san.

19 Ntō'ó ne, ñatīi, kuinima ntó ñadi'ĩ nto. Ñá ku kudīin ntó ni ñā.

20 Ī'xá, na kuīnti'xe nto é un nti'ĩ e ntáka'an úva nto ni dī'i ntō. Sá'ā é ntio Xuva kō é víi o.

21 Ntō'ó ne, uva Ī'xá, ña kú de nto é na kūdiin i'xá nto vata koo é na kī'xi iní i é víi i é ntio nto.

22 Ntō'ó, ña ntáde tsiñu, kada ntaa nto é un nti'ĩ e ntáka'an tó'o ntō, ña ntoo ñuxiví sa, ñá te da mii tsí dá kaito ñā, tsí kanīi nima ntó, tsi ntákuinti'xe nto Xuva kō.

23 Da nēe ka nee é víi ntó ne, kanīi nima ntó víi nto, vata te iña Tó'o ko kāde nto, ñá te iña ña'a.

24 Ini ntó tsi tá'xi Xuva ko nto iña ñá doméni, tsí kade tsiñu nto iñá Cristu, dīvi ñā e Tó'o nti'xe ko ñā.

25 Xoó ña'a é kāde ña é kīni kaa ne, ní'i ñā é kīni kaa, tsí ña káde Xuva ko kuēnta te ka'nu ñá'a ña, o tē ña ka'nu ñá'a ña.

4

1 Ntō'o e tó'o tsiñu kúvi nto ne, víi nto é vā'á nī ña ntáde tsiñu iña nto. Naka'an ntō tsí ĩo Tó'o ntō, ña é kadē kú've iña nto e dukún kán.

2 Ñá tee dā'na nto é kā'an ntā'ví nto. Ñá kū xkukídi naá nto, ntá tsi naku'é e nto sintiá'vi nta'a Xuva kō.

3 Ka'an ntá'vī ntó iñá nti dī te ta'xi Xuva ko te kūvi ka'an ntódo nti tú'ūn va'á san iña ñá, te kūvi ka'án nti nuu i é tuvi xu'u iñá Cristu, tsí kuenta iña tú'ūn san é nuu kutū u.

4 Ka'an ntá'vī ntó te kūvi ka'an va'á u vata koo é tēku va'á ña'a san.

5 Koto nto é víi nto é vā'á ni ñā'a, ña ntákuinti'xe i san. Koo ntii nto kada tsiñu nto vevii é ĩó ka ntuvi.

⁶ Ka'an vá'a nto ni ñā'a san vata koo é nā xkúntee iní ña é kīni ña. Kutú've nto nté koo nantiko koō ntó ni ñā'á nēe é ntio ña kutuni ña.

I'a ntí'i tutú san

⁷ Ení ko Tiquicu, ña e dóo ntio kó ne, un vá'a tsi xntíi ñā ko. Dadii tsi ntáde tsiñu ntí ni ña iña Tó'o kō. Kuni'i ña tú'un iñá ko ve.

⁸ Tsi táxnūu ú ña vata koo é kā'an ñá ni ntō nté o de ntí, vata koo é na nāku'ún ka'nu nima nto.

⁹ Ntini'i ña Onēsimu, ña e dóo ntio ko, ña e dóo ini dé ntaa, divi ñā é kāduku ntée ña nto. Ntaa ña ni ntō é un ntí'í é kākuvi i'a.

¹⁰ Aristarcu, ña é ñu'u kutū ntí ni ī né, taxnūu ña ntiusi nto. Marcú di, ení Bernabee. É kākā'án u ni nto kuēnta iña ña. Te kī'in ña kikoto ní'ni ña ntō ne, vá'a kōo víi nto ni ñā.

¹¹ Jesuú, ña é nanī Justó di ne, taxnūu ña ntiusi ntó di. Da mii ña sā'a é un ntíi ntíi ña Israee, ña ntákuinti'xe i san, dé tsiñu ntí ni ña iña Xuva ko. Dōo náxnūu ka'nu ña nimá ko.

¹² Eprafa, ñā ñuú nto, ña é kade tsiñu iñá Cristú ne, taxnūu ña ntiusi ntó di. Utén utén kaka'an ntā'ví ña iña nto é kuntikin xntó Xuva kō, é kanīi nima ntó víi nto é ntio Xuva kō.

¹³ Xu'ú ka'an ntaa ú tsi dóo kadē kuení Eprafá san kuenta iña nto, ña ntoo ñuú Ladicea ni ñá ntoo ñuú Hierapolí di.

¹⁴ Luca, ña medíkū e dóo ntio kó ne, taxnūu ña ntiusi nto, ní Demá di.

¹⁵ Ká'an ntō ntiusi ní ña ntákuinti'xe i, ña ntoo ñuú Ladicea. Ká'an ntō ntiusi ní Nifá, nī ña ntákuinti'xe i sán di, ña ntánataká nuu nú vi'i ña kán.

¹⁶ Tē kúvi nakuā'a nto tutú sa'á ne, taxnūu nto ñuú Ladicea, na nakuā'a ña ntákuinti'xe i, ñá ntoo ikān, di. Nakuā'a nto tutu e táxnūu ú iña ñá di.

¹⁷ Ká'an nto ni Ārquipú te na kōto ñá te kāda ntaa ña tsiñu é tēé tsiñu Xuva ko ñā.

¹⁸ Xu'u é Pablú u ne, nta'a miī kó kaka'u u é taxnūu ú ntiusi ntó di. Naka'ān ká nto tsí nuu kutū u. Kūnuu mé'ñu kunuu dava Xuva ko ntō. Kuan tsī koo é kā'án u ni ntō.

**Tū'ún xuva kō vatā ó ntáka'an ña ñuú
Coatzospan
New Testament in Mixtec, Coatzospan
(MX:miz:Mixtec, Coatzospan)**

copyright © 2003 Wycliffe Bible Translators, Inc.

Language: Mixtec, Coatzospan

Translation by: Wycliffe Bible Translators, Inc.

Copyright Information

© 2003, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Mixtec, Coatzospan

© 2003, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 18 Apr 2025 from source files
dated 29 Jan 2022

8f775598-56d9-56fd-966e-15e054d2f275